

Na osnovu člana 18. Statuta općine Jablanica ("Službeni glasnik općine Jablanica", broj: 2/09), Općinsko vijeće Jablanica, na XIX sjednici održanoj dana 29.05.2014. godine, donijelo je

ODLUKU

o donošenju Programa (Okvirni dokument) razvoja Općine Jablanica u oblasti sporta za period 2014.-2018. g

Član 1.

Općinsko vijeće Općine Jablanica donosi Program (Okvirni dokument) razvoja Općine Jablanica u oblasti sporta za period 2014.-2018. godina.

Član 2.

Sastavni dio ove Odluke je dokument Program (Okvirni dokument) razvoja Općine Jablanica u oblasti sporta za period 2014.-2018. godina.

Član 3.

Operativni Plan provođenja Programa (Okvirni dokument) razvoja Općine Jablanica u oblasti sporta za period 2014.-2018. godina, izradit će Radna grupa, u roku od 60 dana, i dostaviti Općinskom vijeću na usvajanje.

Radnu grupu iz prethodnog stava čine:

1. Buturović Šaćir, koordinator
2. Islamović Ozren
3. Halilhodžić Haris
4. Idrizović Edin
5. Širić Nihad
6. Balavac Emil

Član 4.

Ova Odluka stupa na snagu danom donošenja i objavit će se u "Službenom glasniku Općine Jablanica".

Bosna i Hercegovina
Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE

PREDSJEDAVAJUĆI OV-a

Damir Šabanović, dipl.ecc.,s.r.

Broj: 02-02-1030-3/14 -XIX
Jablanica, 29.05.2014.godine

PROGRAM (OKVIRNI DOKUMENT)
RAZVOJA OPĆINE JABLANICA U OBLASTI SPORTA
ZA PERIOD 2014-2018.GODINA

Sadržaj

I Uvod
II Pojmovnik
III Analiza
Institucije sporta
Sportska infrastruktura
Sport osoba sa invaliditetom
Sport u mjesnim zajednicama
Stručni kadrovi
Sportska takmičenja i manifestacije
Zdravstvena zaštita sportista
Sport i informisanje
Rekreacija – „Sport za sve“
IV CILJEVI I ZADACI PROGRAMA
Vizija
Strateška načela
Strateški ciljevi
Ciljevi programskih oblasti
Infrastruktura
Sport osoba sa invaliditetom
Sport u mjesnim zajednicama
Stručni kadrovi
Sportska takmičenja i manifestacije
Finansiranje sporta
Sport i informisanje
Sport za sve
Zdravstvena zaštita sportista i intersektorska saradnja
V PROVEDBA
Plan implementacije

I UVOD

„Sport je aktivnost iznad prosječne umne i tjelesne angažovanosti čije efekte ostvarujemo različitim oblicima tjelesnih vježbi i aktivnostima prema dogovorenim pravilima neke igre i izvedbe“ samo je jedna od definicija sporta.

Sport osim očuvanja zdravlja, te stvaranja radnih sposobnosti, ima značajnu društvenu ulogu. Ta uloga je usmjerena na odgojno-obrazovne vrijednosti i provjere tih vrijednosti kroz uspjeh sudionika sa stalnom težnjom za napretkom. Sport djeluje na zdravstvenu i funkcionalnu sposobnost, kao i na intelektualni, radni i estetski razvoj svake ličnosti. Bilo koji sport i bilo koja tjelesna aktivnost aktivira cjelokupnu ličnost i djeluje pozitivno na učesnika, pa je važno kretati se ali i prilagoditi svoje sposobnosti prema sebi i svojim psihofizičkim mogućnostima.

Sport u Jablanici ima veoma dugu tradiciju i oduvijek je tretiran kao veoma važan segment društvene nadgradnje.

Zato kad govorimo o jablaničkom sportu uvijek moramo uz sportske kolektive spominjati ljude bez čijeg angažmana jablanički sport ne bi imao tako veliki uticaj na domaće stanovništvo koje je uvijek i sa velikom radošću podržavalo svoje sportiste.

Sportski objekti i tereni naravno nisu nastajali sami od sebe nego kao plod velikog odricanja i podrške svih subjekata i pojedinaca koji su postojali i djelovali na području općine Jablanica.

Radna grupa za izradu Programa pristupila je izradi pozivajući se na Evropsku povelju o sportu, koja tjelesni odgoj i sport smatra važnim segmentom ljudskog razvoja, te se zalaže za poduzimanje odgovarajućih mjera kako bi se svim građanima omogućilo bavljenje sportom, a osobito mladima.

Svi učesnici na izradi strategije kao prvog strateškog dokumenta u općini Jablanica su kroz vlastite ideje i stručnu raspravu željeli pridonijeti pronalaženju novih konkretnih rješenja za funkcionisanje sporta na području općine Jablanica. Zajednička poruka svih učesnika je bila da općina Jablanica mora imati jasnu viziju, a vizija je postići više, graditi na sportskim uspjesima i održavati sport na način da je dostupan svima, da se sportski talenti prepoznaju i ulaže u njihovu sportsku nadogradnju i da se i nadalje postižu kvalitetni rezultati. Aktuelni problemi u sportu u općinama u BiH, pa tako i Jablanici povezani su sa kadrovskim, organizacijskim i materijalno finansijskim uslovima. Dosadašnja dostignuća u sportu u svim njegovim segmentima zahtijevaju da se još organizovanije i planski poduzimaju mjere i aktivnosti kako bi se zadržao postojeći standard i usmjerio njegov dalji razvoj. Zato je potrebno odrediti standarde i kriterije optimalnog stanja sporta, te utvrditi ciljeve i prioritete razvoja pojedinih dijelova njegova funkcionisanja. Strategija razvoja i programske osnove sporta moraju definisati njegovo aktuelno stanje i mjere za poboljšanje uslova u kojima se sportska aktivnost provodi.

Da bi se to ostvarilo neophodno je izraditi višegodišnje planove kao sastavni dio ovog Programa, sa tačno utvrđenim ciljevima i zadacima koji bi se odnosili na viziju da Jablanica postane sportski razvijena sredina, da se poveća broj aktivnih sudionika u svim oblicima rada, obezbijedi neophodno i sigurno finansiranje, podigne nivo stručnog kadra, stvore uslovi

mladim i talentovanim sportašima da ostvare svoje optimalne rezultate, obezbijedi zdravstveni nadzor, intenzivira izgradnja neophodnih sportskih objekata i dr.

Strategija razvoja sporta u općini Jablanica je dokument koji daje strateške smjernice i plan djelovanja na razvoju sporta na teritoriju Općine za period 2014 – 2018 u cilju prosperitetnog razvoja sporta, sportskih aktivnosti i sportske infrastrukture u skladu sa pozitivnim zakonskim propisima.

Sa postojećom infrastrukturom, nedovoljno iskorištenim prirodnim okruženjem, tjelesnom vježbom i sportom bismo pridonijeli nastojanju da se prirodne ljepote pretvore u bogatstvo širih razmjera.

Promjenom shvatanja tjelesne vježbe i sporta i boljom organizacijom, a razvijajući resurse kojima raspolažemo, naša općina može sportom postati šire prepoznatljiva.

Zakonom o sportu predviđene su potrebe i interesi općina u sportu, kao i način zadovoljavanja tih interesa i potreba, način finansiranja i sl.

Osnova Programa je razvoj sporta, stvaranje kulture o sportu, ciljevi i zadaci razvoja, a sve sa željom i namjerama da tim aktivnostima bude obuhvaćen što veći postotak stanovništva naše općine.

Strategija ima zadatak:

- da ukaže da se sport kao i druge ljudske aktivnosti razvijaju prirodnim putem,
- da svakom građaninu omogući da mu sport bude dostupan, a da se sam prema svom interesu opredijeli za aktivnosti koje želi i koje mu odgovaraju,
- da svaki aktivni sudionik u sportu ne mora da postane i aktivni takmičar i da postiže vrhunske rezultate,
- da većini učesnika sport pruži radost i zadovoljstvo,
- da učesnike uči i vaspitava fer pleju, očuvanju ljudskog okoliša i unapređenju odnosa među ljudima,
- da bude putokaz za angažovanje što većeg broja građana da kroz svoje programe baveći se sportom, stiču bolju pripremljenost, disciplinu i navikavaju se na kolektivni rad,

da organizovanjem u sportska društva ispunjavaju svoje aktivnosti, zadovoljstvo i razonodu, a da talentovani u želji da ostvare vrhunska dostignuća, budu spremni na velike napore.

Sport u smislu ove strategije obuhvata:

- a) sportske aktivnosti i igre organizirane radi postizanja sportskih dostignuća koja se ostvaruju shodno utvrđenim pravilima (sportska takmičenja i sportske priredbe),
- b) sportske aktivnosti i igre organizirane s ciljem unapređenja zdravlja ili rekreacije (sportska rekreacija, sport za sve),
- c) sportske aktivnosti organizirane za invalidna lica,
- d) organizirani školski sport.

Općinsko vijeće Općine Jablanica i Općinski načelnik su procijenili da su stvoreni uslovi za rad udruženja iz oblasti sporta te je u skladu sa tom činjenicom Općinsko vijeće Jablanica svojim zaključkom broj:02-02-888-12/11-XXIV od 26.05.2011.godine podržalo izradu Programa (Okvirni dokument) razvoja općine Jablanica u oblasti sporta za period

2012-2016 koji nakon sveobuhvatne javne rasprave treba biti usvojen od Općinskog vijeća do kraja 2011.godine.

Zaključkom Općinskog vijeća broj:02-02-444-5/12-XXXII od 15.03.2012.godine utvrđen je Nacrt Programa (Okvirni dokument) razvoja općine Jablanica u oblasti sporta za period 2012-2016 koji je uradila Radna grupa sa zadatkom da se provede javna rasprava.

Nakon provedene javne rasprave Radna grupa je 26.05.2014. ponudila Program (Okvirni dokument) razvoja općine Jablanica u oblasti sporta za period 2014-2018 na usvajanje.

II POJMOVNIK

Nosioci sportskih aktivnosti

Nosioci sportskih aktivnosti u Jablanici su pravna i fizička lica registrirana da obavljaju sportske aktivnosti u skladu sa Zakonom o sportu BiH, Zakonom o udruženjima i fondacijama Bosne i Hercegovine, entitetskim zakonima o udruženjima i fondacijama, entitetskim zakonima o sportu, zakonima o preduzećima entiteta i drugih nivoa administrativnog organiziranja u Bosni i Hercegovini.

Pravna lica

Pravna lica u oblasti sporta u smislu ovog Zakona o sportu BiH su:

1. sportski klub (amaterski i profesionalni),
2. sportsko društvo,
3. sportski savez u određenom sportu,
4. sportski klub invalidnih lica,
5. sportski savez invalidnih lica,
6. ustanove i institucije u oblasti sporta.

Sportski klub

Osnovni oblik organiziranja u sportu je sportski klub.

Klub može obavljati sportsku aktivnost amaterski i profesionalno.

Amaterski sportski klub

Amaterski sportski klub je dobrovoljna nevladina neprofitna organizacija koja se organizira kao udruženje građana za obavljanje sportske djelatnosti u skladu sa Zakonom o udruženjima i fondacijama Bosne i Hercegovine, entitetskim zakonima o udruženjima i fondacijama, ovim Zakonom, entitetskim zakonima o sportu i propisima iz oblasti sporta na odgovarajućem nivou administrativnog organiziranja.

Način osnivanja amaterskog sportskog kluba

Amaterski sportski klub osniva se osnivačkim aktom.

Amaterski sportski klub mogu da osnuju domaća pravna i fizička lica.

Amaterski sportski klub mogu da osnuju najmanje tri fizička lica ili pravno lice.

Sportsko društvo

Sportski klubovi mogu se udruživati u sportska društva radi uređivanja i ostvarivanja zajedničkih ciljeva i interesa, kao i zajedničkog nastupanja u oblasti sporta.

Međusobne odnose i prava sportski klubovi udruženi u sportsko društvo reguliraju osnivačkim aktom i drugim aktima sportskog društva.

Sportsko društvo je nosilac prava na zajednički naziv i zajedničke simbole, ako osnivačkim i drugim aktima nije drugačije određeno.

Na osnivanje, upis u registar, obavljanje sportskih aktivnosti i sportskih djelatnosti, rješavanje sporova, odgovornost, kao i na druga pitanja u vezi sa radom sportskih društava, shodno se primjenjuju odredbe ovog Zakona koje se odnose na sportska udruženja, ako ovim Zakonom nije drugačije određeno.

Sportski savez

Sportski klubovi u Jablanici udružuju se u sportski savez da bi ostvarili zajedničke interese i ciljeve.

Sportski klub invalidnih lica

Radi organizovanja sportsko-rekreativne aktivnosti i sportskih takmičenja invalidnih lica, osnivaju se sportski klubovi invalidnih lica.

Udruženja sportske rekreacije

Da bi se zadovoljile potrebe građana da održe i poboljšaju zdravlje i psihofizičke sposobnosti i organizovalo vježbanje i bavljenje sportskim aktivnostima u slobodnom vremenu, osnivaju se udruženja sportske rekreacije.

Fizička lica

Fizička lica u oblasti sporta su: sportisti, stručni i sportski radnici.

Sportista

Sportista je lice koje se priprema i učestvuje u organiziranim sportskim takmičenjima.

Sportista ima sva građanska prava utvrđena Ustavom i zakonima Bosne i Hercegovine, entitetskim ustavima i zakonima, zakonima i drugim propisima na drugim nivoima administrativnog organiziranja, kao i odredbama Zakona o sportu BiH i entitetskim zakonima o sportu.

Vrste sportista

Sportista može da se bavi sportskim aktivnostima samostalno i u okviru sportskih udruženja. Sportista može da se bavi sportskim aktivnostima amaterski ili profesionalno.

Sportski objekat

Sportski objekat je višenamjenski otvoren ili zatvoren prostor namijenjen obavljanju sportskih aktivnosti.

Sportski objekat, osim prostora koji je namijenjen obavljanju sportskih aktivnosti, mora da ima neophodne prateće sadržaje i opremu te da bude pristupačan invalidnim licima.

Sportski objekti moraju ispunjavati propise međunarodnih sportskih asocijacija kao i standarde propisane odgovarajućim zakonima i drugim propisima.

III ANALIZA U OBLASTI SPORTA U OPĆINI JABLANICA

INSTITUCIJE SPORTA

Polazeći od zadovoljavanja javnog interesa i potreba društva, u općini je ostvarena i organizovana aktivnost kroz institucije sporta, čime se zadovoljavaju potrebe svih učesnika. Na prostorima općine Jablanica organizovanost se ogleda u sljedećem:

- a) Sportski savez općine Jablanica je krovna organizacija u općini sa osnovnim funkcijama:
- priprema i predlaže planove i programe razvoja sporta u općini,
 - prati realizaciju programa,
 - donosi normative i standarde zadovoljavanja potreba u sportu,
 - predlaže finansijski plan i prati njegovu realizaciju,
 - stvara preduslove za organizovanje i provođenje tradicionalnih i velikih sportskih takmičenja i manifestacija,
 - oganizuje realizaciju razvojnih projekata od značaja za općinu (školski sport, rekreacija, vrhunski sport, sportski objekti, zdravstvena zaštita i dr.),
 - ostvaruju programe sportskih takmičenja u vannastavnim aktivnostima za učenike OŠ i SŠ,
 - vrše izbor i stvaraju uslove za rad i razvoj sportskih talenata kroz zakup objekata, stručni rad i omogućavaju učešće na takmičenjima u okviru provjera dostignutog kvaliteta,
 - obezbjeđuju korištenje fonda sati za korištenje objekata za svoje članice, a u odnosu na kategorizaciju sportskih organizacija i sl.

Sportski savez je asocijacija klubova općine Jablanica koji su na principu dobrovoljnosti učlanjeni u Sportski savez.

b) Sportske organizacije – klubovi

- klub je udruženje građana koji su se ujedinili da bi stvorili uslove za učešće svojih sportaša u odgovarajućem sistemu takmičenja i u određenoj grani sporta
- klubovi imaju svoje programske ciljeve i sadržaje, djelatnosti, izvore materijalnih sredstava, imovinu i dr.


Na teritorij općine oni se udružuju u sportske saveze da bi zadovoljili i ostvarili svoja prava, a na osnovu normativnih akata tih saveza i na principu dobrovoljnosti.

S obzirom, da je prirodna sredina za zadovoljavanje potreba i interesa djece i mladih u školama, normalno je da klubovi imaju veliki interes da sa svojim kadrovima, rekvizitima i objektima, ako ih imaju u posjedu, pomognu razvoju sporta u školama, a samim tim stvore bazu iz kojih će se moći da regrutuju talenti.


Zbog nove organizacije u vođenju zajedničkog knjigovodstva savez će uspostaviti kancelariju u kojoj će biti angažovan na profesionalnoj osnovi sekretar saveza koji će opsluživati sve klubove članice.

Formiranje WEB stranice saveza znači informaciju više za sve klubove i sve one koji žele da saznaju koje se aktivnosti provode unutar saveza i naravno da prate kalendar sportskih priredbi i manifestacija koji se organizuju u savezu i klubovima pojedinačno.

Organizaciona šema sporta u Jablanici



Šema intersektorske saradnje u oblasti sporta



SPORTSKI KLUBOVI

-klub je udruženje građana koji su se ujedinili da bi stvorili uslove za učešće svojih sportaša u odgovarajućem sistemu takmičenja i u određenoj grani sporta
-klubovi imaju svoje programske ciljeve i sadržaje, djelatnosti, izvore materijalnih sredstava, imovinu i dr.

Na teritorij općine oni se udružuju u sportske saveze da bi zadovoljili i ostvarili svoja prava, a na osnovu normativnih akata tih saveza.

U Sportski savez Općine Jablanica ugovore o udruživanju potpisalo je 14 (četrnaest klubova i to:

Fudbalski klub "Turbina" Jablanica

-Broj članova:128 (pjetlići 30,pretpioniri i pioniri 44,kadeti i juniori 32 i seniori 22)

-Rang takmičenja seniori.II liga,grupe „Jug“; ostali uzrasti (nije navedeno)

-Stručni kadar: nije navedeno

-Infrastruktura: izgradnja pomoćnog igrališta; revitalizacija terena gradskog stadiona/travnjaka/.

Košarkaški klub "Turbina" Jablanica

-Broj članova:80 (pretpioniri 18),(pioniri 18),(kadeti 15),(juniori 14) i (seniori 15)

-Rang takmičenja (razvrstani po uzrastima):-seniori A1 liga BiH

-Ostale selekcije se takmiče u Regiji Hercegovina,gdje pobjednici nakon tog dijela takmičenja formiraju lige na nivoima BiH.

- Stručni kadar:
- trener za seniorsku selekciju (1)
- treneri za mlađe kategorije (2)
- Infrastruktura: kancelarija

Rukometni klub "Turbina" Jablanica

- Broj članova:
- Rang takmičenja (razvrstani po uzrastima)
- Stručni kadar:
- trener za seniorsku selekciju (2)
- treneri za mlađe kategorije ()
- Infrastruktura: kancelarija

Karate klub "Gazija" Jablanica

- Broj članova: 66 (pioniri 28),(kadeti 15),(juniori 10) i (seniori 13)
- Rang takmičenja: turnirski (razvrstani po uzrastima)
- Stručni kadar:
- Emir Begić,majstor karate sporta 6.Dan,(1)
- Ibrahim Hindić,majstor karate sporta 2.Dan,(1)
- Jasmina Palić,majstor karate sporta 1.Dan,(2)
- Infrastruktura: prostorije OŠ

Odbojkaški klub "Turbina" Jablanica

- Broj članova: 19(djevojčice),12(dječaci)
- Rang takmičenja: turnirski (razvrstani po uzrastima)
- Stručni kadar: -Mirza Velić,Samir Palić,Adi Palić i Sadeta Kadić ,dipl.profesori sporta,(4)
Ajla Hamza,dipl.psiholog,(1) Sanel Begović,nastavnik tjelesnog odgoja,(1)
- Infrastruktura: ne postoji uređeni vanjski teren

Stonoteniski klub "HASSPIN" Jablanica

- Broj članova: 15 (9 seniori i 6 juniori)
- Rang takmičenja: ligaški (razvrstani po uzrastima)
- Stručni kadar: nije navedeno
- Infrastruktura: prostorije OŠ

PSD "Vilinač" Jablanica

- Broj članova:105 (seniori 69) i (juniori 36)
- Stručni kadar: Sead Omerović i Abdulah Malović,instruktori skijanja,(2),Ajdin Malović,Hazim Krnjić i Salih Jusić,spasioci G.S.S.,(3) ,Sabahudin Spahović i Denis Čilić,alpinisti,(2)
- Infrastruktura:kancelarija od 10 m² i podrumске prostorije 24 m² , planinarski dom,(1), planinarske kuće i kolibe,(6)

PD „Plasa“ Jablanica

- Broj članova:86 (58 seniori i 28 juniori).
- Stručni kadar:nije navedeno.
- Infrastruktura:-dom u izgradnji na Čvršnjaci,opremljena prostorija društva.

Udruženje za sport i rekreaciju invalida općine Jablanica

-Broj članova: nije navedeno

-Stručni kadar: Samir Palić, dipl. profesor sporta i tjelesnog odgoja, (1)

Tavla klub „Jablanica

-Upravna tijela: -Ejub Idrizović, predsjednik

-Broj članova: 26

Klub ekstremnih sportova “4SEASONS“ JABLANICA

-Upravna tijela: -Dževad Hodžić, predsjednik

-Broj članova: 126

-Stručni kadar: -Adi Palić, dipl. profesor sporta i tjelesnog odgoja, (1)

-Nermin Palić, alpinist pripravnik (završena 3) kursa alpinizma u organizaciji PS BiH.

Badminton klub „NET SPIN“ Jablanica

-Upravna tijela: -Adis Zukić, predsjednik

-Broj članova: 56 (mlađe kategorije)

-Stručni kadar: Zenaida Malović, magistar sporta, (1), Adis Zukić, profesor sporta, certificirani trener badminton sporta od Evropskog badminton saveza, (1), Elmir Gagula i Sanel Begović, nastavnici tjelesnog i zdravstvenog odgoja, (2), Adis Grcić, fizioterapeut, med. tehničar.

-Infrastruktura: -Za treninge se koristi sala srednje škole, a za takmičenja sala osnovne škole.

Klub dizača tegova „Sidro“ Ostrožac

-Upravna tijela: Nermin Begić, predsjednik,

Aldin Demirović, Hasan Kovačić, Ragib Mehmedagić, Mujo Begić, Vejsil Begić - članovi UO.

-Broj članova: 20

-Stručni kadar:

Ronilački klub „Jablanica“, Jablanica

-Upravna tijela: Hidajet Maksumić, predsjednik, Adi Palić, potpredsjednik, Berislav Soldo, Alen Alikadić i Senad Munikoza, članovi UO.

-Broj članova: 12

-Stručni kadar: Danijel Soldo, R4 (spec. spasilac na brzim vodama), Adi Palić, R2, Alen

Alikadić, R2, Ajdin Jašarević, R1, Nermin Palić, R1, Emir Sarajlić, R1.

Sportski savez Općine Jablanica potpisao je sa PSD „Vilinač“ i PD „Plasa“ Jablanica Sporazum o udruživanju koji će važiti od 01.01.2015. godine. Navedeni klubovi se obavezuju da će do početka naredne godine održati zajedničku Skupštinu i donijeti akte vezano za organe i tijela zajedničkog udruženja, izvršiti registraciju istog i isto dostaviti savezu.

U Jablanici djeluju i drugi sportski klubovi koji nisu članice Sportskog saveza Općine Jablanica i to: Rukometni klub „Neretva“ Jablanica, PD „Prenj“ Glogošnica 1979, PD „Cetina-Prenj“ Glogošnica,

PSD VILINAC – društvo sa tradicijom

Planinarsko društvo Vilinac iz Jablanice osnovano je 3.9. 1950. god. u selu Doljanima, a nastalo je asistencijom Planinarskog saveza BiH. Prvi predsjednik bio je Osman Hrvic. Društvo je odmah dobilo na upravljanje planinarsku kuću na Vilincu koja je iste godine poslije požara 1949. godine, izgrađena, a u čijoj gradnji su uzeli velikog učešća članovi društva.

U Jablanici decembra 1950. godine dolazi do osnivanja Planinarskog društva Čvrstica, a 1961 godine se spajaju ova dva društva pod imenom Vilinac sa sjedištem u Jablanici. 1977. god. postavlja se limeni pokrov na kuću. Na skupštini održanoj maja 1974. god. društvo dobija prizvuk smučarsko zahvaljujući aktivnostima na ovom obliku rada i prirodnim uslovima u kojima društvo provodi svoju aktivnost.

Od 1968. do 1991. godine Društvo organizovano izvodi ljetovanja i zimovanja za djecu školskog uzrasta na Vitlenici i Risovcu. Društvo je pored kuće na Vilincu (1961 m n/v) posjedovalo i planinarski objekat na Risovcu (1280 m n/v) izgrađen uz pomoć H.E. Jablanica i radnih ljudi i gradjana Jablanice.

1989. god. Planinarsko smučarsko društvo Vilinac vrši kompletnu rekonstrukciju kuće, iznoseći na Vilinac preko tri tone raznog materijala. Kuća je obložena novim rebrastim limom, umjesto dotrajale šindre, postavljaju se novi prozori željeznog profila, mijenjaju se podovi, postavlja se lamperija i novi viseći elementi, gromobran, nove klupe i šporet. Radove su izveli: Malović Abdulah-Avdo, Malović Ajdin, Zebić Enver, Zebić Sanjin, Zebić Mufid, Krnjić Hazim, Zećo Enver, Ivković Meho, Drežnjak Sadik, Efica Ibrahim, Halebić Šemsudin i Salihagić Mirsad. Subota 16. oktobar 2010. ostaće upisan zlatnim slovima u bogatoj historiji Planinarskog smučarskog Društva Vilinac iz Jablanice. Svečano je otvoren obnovljeni planinski dom na Vilincu 1961 m.n.v. (Čvrstica)...

Dom koji je napravljen daleke 1939 godine ispod samog vrha Veliki Vilinac 2118 m.n.v. bio je jedan od najatraktivnijih planinskih domova u bivšoj državi. Devastiran je u ratu „1992-95“, a članovi društva su 2006 god. pokrenuli inicijativu za njegovu obnovu. Sa minimalnim finansijskim sredstvima započet je veliki posao i krenulo se sa volonterskim radnim akcijama, prvo sa čišćenjem srušene unutrašnjosti, a zatim sa iznošenjem materijala neophodnim za obnovu. Po suncu, kiši, snijegu nošen je na leđima članova društva materijal neophodan za obnovu, tako da je za pet godina izneseno preko 10 tona materijala. Na svu sreću Vilincu je pomogla i helikopterska jedinica Oružanih snaga BiH koja je prepoznala važnost ovog projekta. Pri obnovi, gledalo se na svaku sitnicu prilikom radova. Sve je rađeno vrhunski i po ugledu na slične domove u Alpama. Dom može da primi preko 50 gostiju i posjeduje sve uslove za ugodan boravak. U to su se uvjerali i gosti iz Splita i Beograda koji su pohodili Čvrsticu.

Prilikom otvaranja i pored kišnog vremena bilo prisutno preko 100 planinara iz cijele BiH. Dom je otvorio stari zaslužni član rahm. Krnjić Alija - Levi koji je dao neizmjeran doprinos u

iznošenju materijala za dom. Planinski dom na Vilincu daje jednu novu dimenziju planinskom turizmu u BiH jer radi se o jedinom takvom objektu na planini Čvrsnici koja je ljepotica među BiH planinama. Do doma se najbrže stiže preko Risovca za nekih 3 sata planinarenja po prekrasnim neditnutim predjelima.

PSD Vilinac je u 2010. godini proslavilo 60 godina postojanja tim povodom je upriličena svečana akademija povodom godišnjice Društva.

Društvo će u narednom periodu nastaviti sa promocijom prirodnih ljepota Jablanice i njihovim uređenjem i očuvanjem. U narednoj godini se nastavlja sa čišćenjem i markiranjem planinskih staza i puteva kao i sa dodatnim uređenjem doma. PSD Vilinac se zahvaljuje svima koji su pomogli da ovaj veliki posao uspješno privedemo kraju.

ANALIZA SPORTA PO OBLASTIMA

SPORTSKA INFRASTRUKTURA

Danas, novo vrijeme favorizira um, tako da se čovjek više umara psihički, nego fizički. Psihički umor na radnom mjestu, subjektivno fizički umara čovjeka, tako da nakon radnog vremena on provodi najčešće odmor pasivno (uz televiziju, kompjuter, novine, knjigu, često u fotelji ili u krevetu).

Prema tome, može se doći do zaključka da u savremenim uslovima života, nema dovoljno fizičkog rada, sve su fizičke aktivnosti svedene na minimum.

U današnje vrijeme prisutan je drugačiji pristup zdravlju. Neobično je važno biti zdrav i lijepo fizički izgledati, kreativno živjeti, s visokim životnim standardom i imati dovoljno slobodnog vremena za osobne kreativne i rekreativne aktivnosti.

Došlo se do saznanja da čovjek današnjice ne može u potpunosti funkcionirati bez odgovarajuće fizičke aktivnosti. Konačno je vrijeme da se skrene pažnja i povede briga društva i pojedinca da fizička aktivnost postane navika i da se uvrsti u svakodnevni režim života suvremenog čovjeka. Sve to je potrebno, jer kretanje omogućava čovjeku uravnotežen i stabilan biopsihosocijalni status.

Brojna su istraživanja dokazala vrijednost redovne fizičke aktivnosti kod čovjeka. Dokazano je da fizičke vježbe imaju ulogu u jačanju mišićne mase, utječu na očuvanje koštane mase, kao i zadržavanje spretnosti, što je važno za izbjegavanje prijeloma kao posljedice nespretnih padova. Isto tako, fizičke vježbe aerobnog oblika pozitivno djeluju na psihosomatski status, bez obzira na životnu dob.

Osnovi uslov za sprovođenje aktivnosti iz oblasti sporta, fizičkog vaspitanja i rekreacije je postojanje dovoljnog broja sportskih objekata. Nije, međutim, važan samo njihov dovoljan broj, već i da ti objekti zadovoljavaju propisane uslove (u pogledu dimenzija i bezbjednosti, sanitarno-higijenske, protivpožarne, instalaciono-tehničke i dr.) kako bi se u njima mogle obavljati sportske aktivnosti. Bez objekta je nemoguće bilo šta raditi u sportu. Obezbjedenje ovih uslova zahtjeva izdvajanje velikih materijalnih sredstava koja, po pravilu, ne mogu da obezbjede sami korisnici

(sportski klubovi, organizacije, pojedinci). Uzme li se u obzir neophodnost sportskih objekata, kao i njihova deficitarnost, jasno je da rješavanje ovog infrastrukturnog problema traži velika budžetska izdvajanja.

Sportski objekat u tehničko-arhitektonskom smislu podrazumijeva sve prostore i površine otvorenog ili zatvorenog građevinskog oblika, namjenjene sprovođenju različitih aktivnosti – treniranja, takmičenja, rekreativnog vježbanja, zabave (uključujući i prateće aktivnosti, pomoćne prostorije, gledalište i drugo). Sa šireg aspekta posmatrano, sportski objekti su resursi proizvodnje sportskih, rekreativnih, zabavnih programa koji obuhvataju sve prostore, građevine, zalihe i opremu. Sportski objekti mogu da budu projektovani i izgrađeni za posebne namjene kao što su sportske dvorane ili projektovani za samostalno usmjerenu ili spontanu aktivnost kao što su parkovi, ili samo prirodni resursi pristupačni većini ljudi (obale rijeka i jezera, šume, planine). Mogu biti projektovani i izgrađeni kao višenamjenski kompleksi sa raznovrsnom opremom i instalacijama kao što su sportske hale, stadioni, rekreativni centri, školski objekti za fizičko vaspitanje.

Na teritoriji općine Jablanica imamo četiri vrste sportskih objekata, za praktikovanje različitih sportova i u različitim uslovima i to:

Školski sportski objekti (fiskulturne sale i otvoreni sportski tereni),

- Sportski centar (kompleksi zatvorenih i otvorenih sportskih terena),
- Specijalni sportski objekti (pokrivaju potrebe jednog sporta, npr. teniski teren) i
- Sportski objekti za rekreaciju, bez adekvatne infrastrukture, npr. pješčani tereni na plažama.

Sa aspekta pokrivenosti općine sportskim terenima po MZ, može se reći, da na teritoriji općine Jablanica, u svim naseljenim mjestima postoji sportski teren izuzev veoma malih sela (Baćina, Kosne Luke, Dragan Selo, Dobrigošće) u kojima nema izgrađen sportski teren, što ovu općinu svrstava među rijetkim u okruženju sa zadovoljavajućom sportskom infrastrukturom.

Problem sa sportskom infrastrukturom na teritoriji općine Jablanica, prvenstveno se odnosi na njihovo održavanje, nezavršenim građevinskim radovima, nepostojeću ili oštećenu sportsku opremu, nepovoljan položaj sa aspekta sigurnosti sportista i dr. .

U ovome projektu, detaljno će biti obrađeni svaki pojedinačno, sportski teren, sa svojom infrastrukturom, pozicijom, veličinom i načinom korištenja, zbog kompletnog uvida u stanje sportskih terena na teritoriji općine Jablanica.

Od grafičkih priloga, projekat sadrži tabelu sa podacima svih sportskih terena, klasifikovani po određenim kriterijima. Također, su urađene karte razmještanja terena i njihove zone gravitacije na okolna mjesta. U SWOT analizi taksativno su navedeni podaci o mogućnostima i problemima sportske infrastrukture.

Cilj ovog projekta je prikaz recentnog stanja u kome se nalaze sportski objekti, kako bi se utvrdili normativi građenja, standardi opremanja, načini pravilnog korištenja, metode upravljanja i zaštite terena, da bi se postigla maksimalna sigurnost i komotnost učesnika, obezbjedili uslovi za pravilno praktikovanje sportske aktivnosti koristeći kvalitetnu sportsku opremu, općenito stvorili infrastrukturni uslovi za pravilno praktikovanje sportske i rekreativne aktivnosti.

Ovaj projekat bi trebao biti od značajne koristi stručnjacima raznih profila za definisanje normi i standarda korištenja sportskih terena, načini njihove izgradnje i mogućnostima njihove opremljenosti za razne vrste sportova u cilju što boljih uslova za fizičku kulturu stanovnika općine Jablanica.

Sportski objekti od interesa za Jablanicu

GRADSKI STADION JABLANICA

U centralnom dijelu grada, tačnije uz magistralni put M-17, nalazi se Gradski stadion Jablanica koji ima kapacitet cca 2.000 mjesta. Infrastruktura stadiona, kao i sam stadion je u lošem stanju, što se može vidjeti iz priloženih fotografija:

Slika 1. Gradski stadion sa tribinama



Slika 2. Prilaz od ulaza u stadion do svlačionice



Gradski stadion u Jablanici jedan je od centralnih sportskih terena na teritoriji općine Jablanica i kao takav, njemu gravitiraju (prema popisu iz 1991.g.) 4457 stanovnika grada Jablanice, kao i stanovništvo ostalih mjesnih zajednica.

U okviru stadiona nalaze se i prateći objekti kao što su: svlačionica na južnoj strani stadiona, 3 lože (klupe za zamjenske igrače) na istočnoj strani i tribine na zapadnoj strani stadiona. Od postojeće opreme na stadionu, tu su dva gola sa mrežama, koja su u dobrom stanju. Treba još napomenuti da se u sklopu Gradskog stadiona, na jugoistočnoj strani, nalazi i mali box stadion koji će biti posebno obrađen kao sportski objekat (teren).



Prilaz do Gradskog stadiona je lokani asfaltirani put koji vodi prema naselju Lug, te se u sklopu stadiona sa južne i zapadne strane nalazi i parking prostor. Međutim, prilaz od ulaza u stadion (za igrače) do svlačionice je zemljani nekatregorisani put koji je u lošem stanju (sl. 3).

Lože su u dobrom stanju, ali bez adekvatne opreme (klupa, stolica,...) za igrače i selektore odnosno za sudije.

Slika 3. Prateći objekti na gradskom stadionu



Slika 4. i 5. Izgled i stanje loža na gradskom stadionu Jablanica

Tribine na stadionu su u lošem stanju i od samog stadiona su odvojene ogradom visine cca 1 m, na koju se nastavlja zaštitna mreža visine 1 m, što zajedno čini pregradu visine od 2m.





Slika 6. Izgled i stanje ograde oko tribinama



Slika 7. Izgled i stanje tribina

Ograda oko stadiona je u lošem stanju i neophodno je uložiti značajna sredstva za rekonstrukciju ograde, zaštitnih pregrada, kao i renoviranje tribina. Potrebno bi bilo izgraditi prilaznu stazu do svlačionice i adekvatnom opremom opremiti lože (klupe za zamjenske igrače).





MALI (GRADSKI) STADION

Mali stadion se nalazi na području grada Jablanice, u istočnom dijelu, na desnoj obali rijeke Neretve, neposredno iza autobuske stanice. Smješten u središtu grada, stadion ima dobru lokaciju i pristupačnost za sve građane. Prema popisu iz 1991.g. grad Jablanica je imalo 4457 stanovnika. Stadion je rekreativnog i takmičarskog karaktera sa mogućnošću organizovanja većih sportskih takmičenja.



Slika 8. Mali stadion

Sportski teren ima dimenzije cca 55 x 40 m, sa površinom od 2200 m² (Slika 9). Sa zapadne strane, teren se naslanja na autobusku stanicu pregradnim zidom visine cca 2 m. Sjeverna strana graniči sa privatnim posjedom, pregradnim zidom visine cca 2 m.



Slika 9. Granice terena

Sa južne strane terena nalazi se dvorana, koja je u izgradnji. Stadion i dvoranu dijeli prolaz širine cca 3 m. Istočna strana terena se nalazi na rubu kanjona Neretve i čine je poluizgrađene prostorije i zidovi visine cca 2 m. Stadion je dobro ograđen, osim sa istočne strane koju treba u potpunosti revitalizirati ili ponovno izgraditi kao planski dio sportskog terena. (Slika 10.)



Slika 10. *Mali stadion*

Sportski teren se sastoji od asfaltirane podloge dimenzija 40x20 m, na kojoj su ucrtane linije po rukometnim pravilima. Sa tri strane terena nalaze se betonske stepenaste tribine visine cca 50 cm, sa ukupnom visinom od cca 4 m. Tribine su u lošem stanju, djelimično ispucale i ne ispunjavaju uslove za komotno promatranje terena. Stadion ima kapacitet od 2000 sjedećih mjesta, uz napomenu da sjedeća mjesta predstavljaju betonske ploče neadekvatne za sjedenje. Iznad sjeverne i zapadne strane tribina nalazi se staza širine cca 3 m. (Slika 10.)

Teren ima pristup sa zapadne strane, prema magistralnom putu M-17, ulazom širine cca 3 m, na kome je postavljena čelična kapija. Također, između južnih tribina nalazi se prolaz širine cca 3 m sa mogućnošću prolaza motornih vozila. Ispred ulaza se nalazi parking za caa 60 motornih vozila. Od sportske opreme na terenu se nalaze dva čelična gola u dobrom stanju. Teren sadrži i dvije prostorije koje se koriste kao svlačionice u lošem stanju. Na terenu se nalaze i četiri stuba za rasvjetu, visine cca 8 m. Stubovi su u funkciji i omogućavaju korištenje terena u noćnim satima.

Uz potpunu revitalizaciju, građavinske radove na tribinama, ogradi između tribina i terena, potpuno novoj istočnoj strani i uz revitalizaciju sportske opreme i nabavku nove, ovaj sportski objekat, predstavljao bi pravo mjesto za rekreaciju stanovništva i održavanje većih sportskih manifestacija.





GRADSKA DVORANA

Objekat je smješten u centralnoj gradskoj zoni uz Željezničku ulicu sa koje je omogućen kolski i pješački pristup. Sa južne strane objekat graniči sa Gradskim stadionom, a na sjeveru sa Stadionom malih sportova i autobuskom stanicom. Objekat je spratnosti suteran+P+1. Okvirne dimenzije objekta su 58.30 m x 79.00m, projektovan je u tri etaže. Suteran+P+1 ima ukupnu korisnu površinu 10.000 m² i max. kapaciteta prisutnosti 1734 osobe. Osim velike dvorane koja je smještena u centralnom dijelu, u objektu su predviđeni: prostori za borilačke sportove i fitness. Osnovna namjena objekta je održavanje sportskih i kulturnih manifestacija, te obavljanje trgovačkih i uslužnih djelatnosti. Ovaj objekat je još u izgradnji i njegovo trenutno stanje dato je priloženim fotografijama.




SKI CENTAR RISOVAC (Park prirode Blidinje)

Na južnim obroncima Čvrsnice nalazi se Park prirode Blidinje koji dobrim dijelom zahvata jablaničku općinu. U okviru parka je već afirmisano skijalište sa popratnim sadržajima individualnim i kolektivnim smještajnim kapacitetima.

U parku prirode Blidinje je smješten i moderan ski centar koji je zimi odredište mnogih posjetitelja prvenstveno iz Hercegovine i Dalmacije. U skijaškom centru je instalirana četverosjedna žičara kapaciteta 1942 osoba/h uz prosječan nagib staze od 29,08% kao i manja žica tzv. baby lift koja je pogodna za početnike i djecu.

Izgradnjom koridora Vc, ski centar Risovac kao i sama Jablanica, bi trebali postati atraktivna i lako dostupna destinacija velikom broju turista. Trend interesovanja za ulaganja i dolazak na zimski odmor na ovaj prostor je u porastu i predstavlja veliku razvojnu šansu za općinu Jablanica.



PRIRODNI RESURSI POGODNI ZA RAZVOJ SPORTA

Prirodni resursi koji predstavljaju potencijal za razvoj sporta u općini Jablanica su: planine Prenj i Čvrsnica, Jablaničko i Grabovičko jezero te rijeke Neretva, Doljanka i Šanica.

Prenj je smještan u srcu dinarnih planina u sjevernom dijelu Hercegovine.

Okružuju ga prirodna i vještačka jezera: Boračko, Jablaničko, Grabovičko, Salakovac kao i rijeka Neretva.

U podnožju planine se nalaze gradovi Konjic i Jablanica.

Planina Prenj spada u visoke planine BiH. Njen najviši vrh je Zelena Glava-2155m. Vrhovi Prenja su interesantni i privlačni za planinare koji uživaju u čarima ove netaknute prirode.

Planinu **Čvrsnicu** sačinjava nekoliko visoravni i grebena, koji su rastavljeni dubokim dolinama neretvinih pritoka. Na sjeveru se prostire Plasa sa Muharnicom, a na jugu Mala i Velika Čvrsnica, dok se između njih diže vijenac Vilića. Sa zapadne strane omeđena je Dugim Poljem koje je dijeli od srednje-bosanskih planina. Najviši vrh je Pločno 2228 m.

Obje navedene planine imaju preko 2000 metara n/v i kao takve predstavljaju izazov mnogim planinarima. Na spomenutim planinama postoji mogućnost zimskog i ljetnog turizma. Planine Prenj i Čvrsnica su od davnina poznate kao atraktivne destinacije za lov i planinarenje.



Čvrsnica - Hajdučka vrata



Prenj – Zelena glava

Sport vezan za planine Jablanice je izuzetno perspektivan jer se može upražnjavati i zimi i ljeti i on je postojan u odnosu na promjenljive uslove sportskih sadržaja na vodenim površinama Jablanice. Zato bi ovom segmentu razvoja sporta trebalo posvetiti daleko veću pažnju.

Planina Prenj, te dijelovi Čvrsnice – Plasa i Muharica, koje gravitiraju u Jablanici, pružaju svojim resursima mogućnost razvijanja svih vidova zimskog i ljetnog upražnjavanja sporta vezanog za planine. U zimskom periodu to su rekreacijsko skijanje, te sve vrste nordijskih disciplina.

Prenj i Čvrsnica imaju izvanredne uslove za ljetnu ponudu planinarima, alpinistima i uopće ljubiteljima izvornih prirodnih ljepota.

Jablaničko jezero pruža dobre mogućnosti za razvoj kupališnog ljetnog turizma, za razne vidove sportova i rekreacije na vodi. Uz jezero su se već formirali značajni turistički lokaliteti koji po svom položaju i brojnim drugim značajnim obilježjima imaju preduslove za pokretanje i razvoj bogate turističke ponude: kupanje, veslanje i jedrenje, razne oblike takmičarskih disciplina na mirnim, jezerskim vodama i rekreacije. Ti lokaliteti na području općine Jablanica su: Ostrožac, Donje Papratsko, Čivelj, Donja Slatina i Glodnica.

Jablaničko jezero je vještačko akumulaciono jezero na Neretvi, u BiH. Prostire se od Konjica do Jablanice, uz magistralni put **M-17**. Površina jezera iznosi 13km², s najvećom dubinom 80m. Poznato je kao vikend odmaralište i turistička destinacija. Jablaničko jezero nastalo je 1953.godine izgradnjom brane na Neretvi, 5km uzvodno od Jablanice. Maksimalna dužina mu je oko 30km. Površina jezera je 1440 ha, a zapremina oko 290 hml pri maksimalnoj ispunjenosti vodom.

Jezero je bogato raznovrsnom ribom poput: pastrmke, glavatice, strugača, šarana, bijelog kljena, babuške, i drugih vrsta.



Jablaničko jezero – Veslački maraton



Rijeka Neretva

Grabovičko jezero pruža mogućnost bavljenja sportskim ribolovom te su idealna područja za organizovanje takmičenja ovoga tipa. Pored ovoga ovi lokaliteti mogu biti zanimljivi i za sportove na mirnim vodama.

Akumulacija HE Grabovica svojim velikim dijelom pripada općini Jablanica (72% od njene površine od 1.343.000 m²). Voda ovog jezera je hladna i nepodesna za kupanje. Može se iskoristiti za različite vrste takmičarskih i rekreacijskih veslačkih takmičenja, te razvoj sportskog i komercijalnog ribolova.

Doljanka je desna pritoka Neretve. Izvire pod Pasjom stijenom na visini 1240m. Izvire pod nazivom Otočac. Teče dolinom između Plase i Muharnice s desne strane i Baćine, Oklanice i Tovarnice s lijeve strane. Dužina njenog toka iznosi oko 19 km. Ulijeva se u Neretvu kod Jablanice. Doljanka prima pritoke s Muharnice i Plase: Zec potok, potok Strmac, potok Krkaču, potok Sodo, potok Groznica, Bijeli potok i Bugodol. S lijeve strane Doljanka prima potok Trn. Rijeke Doljanka i Šanica su pogodne za kupanje i sportski ribolov, kao i za kampovanje uz njihove obale.

a) PLANINARENJE

Tradicija planinarenja u Jablanici postoji još od 50-tih godina prošlog stoljeća kada je osnovano planinarsko društvo „Čvrsnica“. Kasnije se u Jablanici formiraju i druga društva, od koji su danas aktivni planinarsko-smučarsko „Vilinac“, planinarsko društvo „Plasa“ i planinarsko društvo „Prenj – Glogošnica 1979“.

Jablanica sa svojim planinama, Prenjom i Čvršnicom, ima odlične uslove za bavljenje planinarenjem, a koje se danas dosta kvalitetno odvija kroz aktivnosti i projekte planinarskih društava.

Za smještaj planinara i posjetilaca u Jablanici postoji i nekoliko planinskih domova i kuća, koji su uglavnom izgrađeni volonterskim radom i zalaganjem članova društava, a u koje su danas dobrodošli planinari i posjetioци iz cijele Bosne i Hercegovina, pa i šire. Dodatnom izgradnjom i rekonstrukcijom planinskih kuća i domova mogli bi se i dodatno povećati kapaciteti, te proširiti postojeća ponuda za sve zainteresovane kojih je svake godine sve više.

Planine u Jablanici idealne su lokacije za rekreativno planinarenje na kojima se može vidjeti mnoštvo endemskih biljnih i životinjskih vrsta.

b) SPORTOVI NA VODI

U Jablanici je u prošlosti djelovao kajakaški klub „Sidro“ smješten u Ostrošcu, ali je na žalost prestao sa radom. Sportovima na vodi u Jablanici na žalost nikada nije pridavana velika pažnja, a rezultat toga je da danas osim jednog ronilačkog kluba, te kluba ekstremnih sportova „4 Seasons“ nemamo niti jedan drugi klub koji promovise ove sportove. Ove organizacije postoje tek nekoliko godina, i do danas nisu imale značajnije aktivnosti koje uključuju veliki broj građana.

Jablanica ima dosta velike potencijale za bavljenje sportovima na mirnim vodama kao što su plivanje, ronjenje, veslanje, kanu iajak. Ti potencijalni još uvijek nisu iskorišteni u dovoljnoj mjeri. Sada se na jablaničkom jezeru svake godine u sastavu manifestacije „Jablaničko ljeto“ održava takmičarski tradicionalni veslački maraton „Ismet Kovačević – Gagula“ u drvenim čamcima, a pored njega, također u sklopu iste manifestacije održava i škola kanua u organizaciji Omladinskog kluba „Pod istim suncem“. Do 2013 organizovala se i škola plivanja za najmlađe. Također, omladinska organizacija „Prenj“ iz Glogošnice na lokaciji „Kameni most“ u sklopu svojih aktivnosti organizuje skokove za mlade.

Veliki broj kupališta na rijekama i jezerima, sa manjim ulaganjima, mogao bi se osposobiti za bavljenje rekreativnim aktivnostima koje uključuju sportove na vodi.


Zbog nepostojanja gradskog bazena, u Jablanici trenutno ne postoje mogućnosti za profesionalno bavljenje plivanjem, skokovima i vaterpolom.

Također, kao što je navedeno u tekstu o prirodnim resursima, jezera i rijeke u Općini Jablanica pogodni su i za bavljenje sportskim ribolovom. Ovu aktivnost promovise i održava UGSR „Glavatica“.

c) BICIKLIZAM

Biciklizmom u Jablanici svake godine bavi se sve više ljudi, posebno mladih ljubitelja ovog sporta. Općina Jablanica ima savršene uslove za bavljenje biciklizmom, a naročito brdskim. Teren brda i planine oko Jablanice pogodan je za izradu staza i bavljenje ovim sportom, kako rekreativno, tako i profesionalno. Preko Risovca i planine Prenj, u djelovima koji se nalaze u našoj općini, prolaze i označene staze za bicikliste. Iako postoje dobri uslovi, u Jablanici ne postoji klub, kao ni manifestacija koja podstiče i promovira ovaj sport.

SWOT ANALIZA - INFRASTRUKTURA



Sportski tereni po mjesnim zajednicama

NASELJENO MJESTO	Br. STANOVNIKA (1991.g.)	Br. SPORTSKIH TERENA	KATEGORIJA TERENA	VRSTA SPORTSKOG OBJEKTA	OPREMA NA TERENU	PRISTUP TERENU	OPŠTE STANJE
Slatina	692	2	Druga i druga	Slatina 1. Stadion druge kategorije. Rekreativni objekat bez mogućnosti organizovanja sportskih takmičenja. Slatina 2. Objekat rekreativnog karaktera. Mogućnost organizovanja određenih lokalnih takmičenja.	Slatina 1.: Dva čelična gola i jedan čelični koš. Slatina 2.: Dva čelična gola.	Slatina 1. Dobar pristup sa magistralne saobraćajnice M-16.2. Slatina 2. Loš pristup, pješačka staza.	Slatina 1. Stanje terena dobro, objekat novogradnja bez potrebe revitalizacije. Slatina 2. Stanje loše. Potrebna potpuna revitalizacija terena i sportske opreme.
Čehari	172	1	Druga	Rekreativni objekat bez mogućnosti organizovanja sportskih takmičenja.	Dva čelična gola.	Pristup terenu preko lokalne nekategorisane saobraćajnice. Put u lošem stanju-	Teren u lošem stanju. Služi kao lokalna saobraćajnica. Oprema nedovoljna i devastirana. Potrebna potpuna revitalizacija terena i sportske opreme.
Doljani	1042	1	Druga	Stadion 2. Kategorije. Rekreativni objekat. Mogućnost organizovanja sportskih takmičenja na lokalnom nivou.	Dva čelična gola i jedan čelični koš.	Dobar pristup terenu preko regionalnog puta Jablanica-Risovac.	Stadion u solidnom stanju. Potrebna nadogradnja i revitalizacija sportske opreme.

Program(Okvirni dokument)razvoja općine Jablanica u oblasti sporta 2014-2018

Sovići	659	1	Druga	Stadion 2. Kategorije. Sportski objekat rekreativnog karaktera. Mogućnosti organizovanja sportskih takmičenja lokalnog karaktera.	Dva čelična gola i jedan čelični koš.	Makadamska staza sa regionalnog puta Jablanica-Risovac.	Teren u lošem stanju. Devastirana oprema. Služi kao odlagalište materijala. Potrebna revitalizacija ograde i sportske opreme.
Zlate	122	1	Druga	Stadion 2. Kategorije. Rekreativna aktivnost. Mogućnosti organizovanja sportskih takmičenja lokalnog karaktera.	Bez sportske opreme.	Nekategorisana lokalna saobraćajnica.	Teren u lošem stanju. Nepostojanje sportske opreme. Potrebna revitalizacija i nabavka sportske opreme.
Jablanica (mali stadion)	4457	1	Prva	Stadion prve kategorije. Mogućnost organizovanja većih sportskih takmičenja. Mogućnost noćnog korištenja.	Dva čelična gola.	Magistralna cesta M-17.	Teren u lošem stanju. Potrebna potpuna revitalizacija. Tribine kapaciteta cca 2000 gledalaca. Povoljna lokacija.
Risovac	47	1	Prva	Ski centar prve kategorije. Mogućnost masovnog rekreativnog korištenja i održavanja sportskih takmičenja.	Četiri ski staze i ski lift.	Regionalni put R-419.	Teren u dobrom stanju. Veliki kapaciteti. Velika turistička mogućnost. Povoljan položaj i ambijent. Nejasna vlasnička prava.

Program(Okvirni dokument)razvoja općine Jablanica u oblasti sporta 2014-2018

Glogošnica	549	2	Druga i druga	Dva sportska terena druge kategorije. Mogućnost organizovanja lokalnih takmičenja na terenu broj 1.	Glogošnica 1.: dva čelična koša. Glogošnica 2.: Dva čelična gola.	Lokalni asfaltirani put.	Glogošnica 1. Stanje terena dobro, objekat novogradnja bez potrebe revitalizacije. Glogošnica 2. Stanje loše. Potrebna potpuna revitalizacija terena i sportske opreme.
Djevor	261	1	Druga	Stadion 2. Kategorije. Rekreativni objekat. Mogućnost organizovanja sportskih takmičenja na lokalnom nivou.	Dva čelična gola i dva koša.	Nekategorisana lokalna saobraćajnica.	Stadion u solidnom stanju. Potrebna nadogradnja i revitalizacija sportske opreme.
Šanica	82	1	Treća	Zaravnjeni travnati dio zemljišta. Treća kategorija za rekreativnu aktivnost.	Dva čelična gola.	Makadamski nekategorisani put.	Teren je u privatnom posjedu i u lošem stanju.
Ravna	133	1	Druga	Druga kategorija bez mogućnosti organizovanja sportskih takmičenja.	Dva čelična koša.	Betonirani lokalni put sa nekategorisane asfaltirane saobraćajnice.	Teren je u dobrom stanju, u sklopu osnovne škole.
Lug	442	1	Druga	Druga kategorija. Loše stanje bez kapaciteta za takmičenja.	Dva čelična gola.	Makadamski nekategorisani put.	Teren u lošem stanju. Potrebna potpuna revitalizacija

Program(Okvirni dokument)razvoja općine Jablanica u oblasti sporta 2014-2018


Rasadnik	221	1	Druga	Stadion druge kategorije za rekreativnu aktivnost lokalnog stanovništva.	Dva čelična gola, jedan čelični koš.	Makadamski nekategorisani put.	Teren je u lošem stanju. Potrebna revitalizacija postojeće opreme.
Unis	237	1	Treća	Treća kategorija. Neadekvatan teren za rekreaciju.	Dva čelična gola i koš.	Lokalni asfaltirani put.	Teren je u lošem stanju. Potrebna revitalizacija opreme i sanacija terena.
Kolonija	500	1	Druga	Stadion druge kategorije u solidnom stanju za rekreaciju lokalnog stanovništva.	Dva čelična gola I dva čelična koša.	Lokalni asfaltirani put.	Teren je u dobrom stanju.
Krstac	221	1	Druga	Druga kategorija. Solidno stanje za rekreativnu aktivnost.	Dva čelična gola.	Makadamski nekategorisani put	Teren je u dobrom stanju.
Paprasko	277	1	Treća	Treća kategorija. Dio plaže za rekreaciju.	Jedan čelični koš i dvije čelične skakaone.	Betonirani lokalni put.	Prostor koji se koristi za rekreativnu aktivnost. Dio pješčane plaže. Zahtjeva revitalizaciju.
Ostrožac	816	1	Druga	Stadion druge kategorije sa mogućnošću organizovanja lokalnih takmičenja.	Dva čelična gola i dva čelična koša.	Betonirani lokalni put.	Teren u solidnom stanju. Veliki kapacitet. Povoljna lokacija.


Program(Okvirni dokument)razvoja općine Jablanica u oblasti sporta 2014-2018

Glodnica	189	1	Druga	Druga kategorija za rekreaciju lokalnog stanovništva.	Dva čelična gola i jedan čelični koš.	Lokalni asfaltirani put.	Teren u dobrom stanju. Novoizgrađeni i potrebno je održavanje istog.
Rodići	121	1	Treća	Neadekvatan dio puta za rekreaciju.	Jedan čelični koš.	Lokalni asfaltirani put.	Teren je u lošem stanju. Potrebna revitalizacija postojeće opreme i proširenje istog.
Bokševica (Lokve)		1	Treća	Travnati zaravnjeni teren u sklopu spomenika.	Dva čelična gola.	Makadamski nekategorisani put	Teren je u solidnom stanju manifestacionog karaktera u sklopu spomenika.
Šabančići	126	1	Druga	Druga kategorija. Dobro stanje. Mogućnost lokalnih takmičenja.	Dva čelična gola.	Lokalni asfaltirani put.	Novoizgrađeni teren u dobrom stanju i potrebno održavanje istog.
Jablanica (veliki stadion)	4457	1	Prva	Fudbalski teren prve kategorije . mogućnost regionalnih takmičenja.	Dva čelična gola i pomoćni mali golovi.	Dobar pristup sa magistralnog puta M-17.	Teren za odigravanje nogometnih utakmica sa pratećim sadržajima.. Kapacitet 2000 mjesta. Potrebna sanacija terena i pratećih sadržaja

Program(Okvirni dokument)razvoja općine Jablanica u oblasti sporta 2014-2018

Dvorana (Osnovna škola)	4457	1	Prva	Dvorana prve kategorije. Mogućnost organizovanja regionalnih takmičenja.	Oprema za košarku, rukomet, stoni tenis i gimnastiku	Regionalni put R-419.	Dvorana u sklopu školskog centra. U dobrom stanju sa uslovima za takmičenja regionalnog karaktera. Kapacitet cca 500 gledalaca.
Dvorana(Srednja škola)	4457	1	Druga	Dvorana druge kategorije bez mogućnosti organizovanja sportskih takmičenja.	Dva koša i oprema za gimnastiku.	Magistralni put M-16.	Dvorana u sklopu školskog centra. Manjih dimenzija bez predviđenog prostora za gledaoce.
Srednja škola(sportski teren)	4457	1	Druga	Sportski teren duge kategorije sa mogućnošću organizovanja lokalnih sportskih takmičenja.	Dva čelična gola i četiri čelična koša	Nekategorisani put.	Teren je u lošem stanju. Tribine kapaciteta 330 gledalaca. Potrebna revitalizacija sportske opreme i sanacija prostora oko terena.
Osnovna škola (teren za tenis)	4457	1	Prva	Teren prve kategorije isključivo za tenis.	Podloga šljaka i mreža.	Nekategorisani asfaltni put.	Novoizgrađeni teren u dobrom stanju sa tribinama kapaciteta cca 200 gledalaca. Potrebno održavanje istog.
Donja Jablanica	491	1	Treća	Teren predviđen za rekreaciju.	Jedan čelični koš.	Lokalni asfaltirani put.	Teren je u lošem stanju. Potrebna revitalizacija postojeće opreme i nabavka opreme koja nedostaje.Potreba za promjenom lokacije.





SPORT OSOBA SA INVALIDITETOM

Najbitnije je kroz sport i sportsku rekreaciju osobe sa invaliditetom afirmisati, jer kroz sport i sportska druženja mladi sportisti invalidi lakše se vraćaju u normalne tokove života. Sportski tereni trenutno nisu prilagođeni invalidnim osobama. U Jablanici nemamo izražen interese za uključivanjem invalidnih osoba u sportske aktivnosti niti je on dovoljno razvijen uzimajući u obzir da imamo samo jedno novoformirano udruženje koje okuplja ovu populaciju.

Invalidski sport je društvena djelatnost, bitan činilac zdravog života i veoma značajan faktor kulturnog, odgojno – obrazovnog i privrednog razvoja općine. Sportsko-rekreativni i takmičarski invalidski sport postao je fenomen savremenog društva, a događaji u invalidskom sportu se prate s velikom pažnjom i interesiranjem.

Sportovi gdje bi ova kategorija mogla naći svoje mjesto su: streljaštvo, boćanje, atletika, sportski ribolov, kuglanje, šah, mali nogomet, stoni tenis, pikado...

Potencijal ove općine je takav da sa pravom možemo reći da smo jedna od rijetkih općina koje uz mala ulaganja može pružiti uslove za razvoj svih invalidskih sportova, ali i organizaciju općinskih, kantonalnih, pa i državnih takmičenja.

U općini Jablanica, sport osoba sa invaliditetom ostvaruje se kroz rad udruženja za sport i rekreaciju invalidnih osoba i drugih klubova.

Međutim, ne možemo biti zadovoljni masovnošću učesnika u drugim vidovima aktivnosti, angažmanom invalida na rekreativnim programima, te na akcijama koje će omogućiti i ostalim osobama sa invaliditetom, bez obzira na njihove mogućnosti da pokažu interes i pronađu sebe u nekom drugom od sadržaja takvih programa. Pored poznatih činjenica da sport pomaže u pozitivnom, u resocijalizaciji tih osoba, uključivanje u normalni život i slično svi nemaju afinitete, mogućnosti i interes za aktivnim bavljenjem sportom, ali za rekreativnim aktivnostima vjerovatno imaju.

SPORT U MJESNIM ZAJEDNICAMA

Sport u mjesnim zajednicama i aktivnosti koje se provode u podružnicama sastavni su dio Programa rada Sportskog saveza Općine Jablanica.

Sportski savez u ovom slučaju nije direktno uključen u aktivnosti sportskih dešavanja u podružnicama već samo daje finansijsku podršku organizaciji istih.

Sportske aktivnosti u najvećoj mjeri se ogledaju kroz organizaciju tradicionalnih malonogometnih turnira koji su postali sami sebi svrha.

Organizacija „Ljetnih igara“ u mjesnoj zajednici Gлогоšnica jedina je takve vrste koja se organizuje na ruralnim prostorima ali je i ta manifestacija djelo jednog ili više pojedinaca.

MZ-e u Jablanici imaju potrebu za rekonstrukciju postojećih sportskih terena i izgradnju novih. U MZ-ima trenutno se održavaju tradicionalni turniri u Ostrošcu, Štrbine, Lokve Doljani. Navedeni turniri osim utakmica nemaju druge takmičarske sadržaje koji bi naravno privukli pažnju većeg broja učesnika.

STRUČNI KADROVI

Stručnim radom u sportu mogu se baviti lica koja imaju stručnu spremu i ispunjavaju druge uslove, a to su lica:

- sa visokom i višom stručnom spremom u oblasti sporta;
- sa visokom, višom i srednjom stručnom spremom iz drugih oblasti, a stručno osposobljeni za trenersko i drugo zvanje na fakultetima za sport,
- sa statusom vrhunskog sportiste koji su stručno osposobljeni za trenersko i drugo zvanje na fakultetima za sport, pedagoškim i višim trenerskim školama.

Tako školovani kadar osposobljen je za realizaciju aktivnosti u sportu i sportskoj rekreaciji. Oni su neophodni da bi se podigao kvalitet u sportu, stvorili preduslovi za vrhunska ostvarenja, provodili sadržaji rekreacije, a pogotovo sa velikom odgovornošću radili sa mladima.

Klubovi u Jablanici trenutno nemaju dovoljan broj osposobljenih stručnih kadrova trenera koji bi zadovoljili narastajuće potrebe klubova. Također namamo angažovanih fizioterapeuta, psihologa, pedagoga.

SPORTSKA TAKMIČENJA I MANIFESTACIJE

Organizovati sportske priredbe i manifestacije znači da se želi pokazati kvalitet u sportu, ostvarenje određenih takmičarskih rezultata, izvršiti razmjenu iskustava i donijeti ocjenu dostignutih nivoa i sposobnosti u organizaciji većih priredbi i manifestacija.

Sportske priredbe su mjesto okupljanja stručnjaka, pa se pruža mogućnost da u razmjeni mišljenja i iskustava se doznaju novi i savremeniji pogledi u razvoju sporta, a ujedno te priredbe imaju propagandnu ulogu za sredinu u kojoj se organizuju.

Sport je u svijetu postao veliki biznis. Mnoga iskustva iz drugih zemalja i gradova pokazuju da sport može da ima jednu od vodećih uloga u stvaranju pozitivnog imidža, kako grada organizatora sportskih priredbi, tako i države.

Povezanost sporta sa turizmom i privredom omogućava dobijanje organizacije velikih sportskih priredbi, a samim tim i korist kroz marketing. Ujedno, stvaraju se pretpostavke za pribavljanje sredstava za održavanje ili izgradnju objekata koji ostaju za stalno korištenje.

Međutim sve ovo ukazuje da takve priredbe moraju da budu profitabilne, one trebaju da budu motiv mladima za bavljenje tim sportom u što većem broju, kao što je naglašeno-promocija za sport i organizatora.

Organizacija priredbi ne može biti „sama sebi svrha“, već to treba gledati šire i dalje šta ostaje nama nakon toga.

Organizacija ovih manifestacija dobra je prilika da se pokaže kvalitet u sportu, ostvarenje određenog takmičarskog rezultata, ali i ukaže na određene slabosti i nedostatke. One bi, također trebale poslužiti kao mjesto na kojem će stručnjaci razmjeniti mišljenja i iskustva, obogatiti svoja znanja, dati određene prijedloge...

Iskustva iz našeg okruženja nam govore da sport može da ima jednu od vodećih uloga u stvaranju pozitivnog imidža, kako samog kluba tako i grada, pa i države iz koje dolazi. I mi u Jablanici često se hvalimo „kako smo bosansko – hercegovačkom sportu podarili toliko sportskih veličina evropskog i svjetskog ranga“. Često možemo čuti da su sportisti najveći ambasadori jedne zemlje, i uistinu je to tako.

Trenutno u Jablanici manifestacije i takmičenja sve više gube na kvalitetu zbog problema sa finansiranjem.

ZDRAVSTVENA ZAŠTITA SPORTISTA

Pod zdravstvenim nadzorom podrazumijeva se:

- kontrola stanja zdravlja djece i mladih, kao i drugih građana prije početka i u toku trajanja aktivnosti u sportu i sportskoj rekreaciji;
- pružanje hitne medicinske pomoći takmičarima, drugim učesnicima i prisutnim licima na sportskim takmičenjima i priredbama;

Kontrola stanja zdravlja mladih i građana u toku bavljenja sportskim aktivnostima je neophodna. Pružanje medicinske pomoći povrijeđenim sportistima i aktivnim učesnicima u bavljenju sportom, kao i pomoć trenerima u planiranju procesa treniranja i testiranja su neophodni i od neprocjenjivog značaja.

SPORT I INFORMISANJE

Budući da je sport izuzetno važan segment današnjeg društva, potrebno mu je obezbjediti široku podršku i maksimalno istaknuti važnost bavljenja sportom.

U tome značajnu ulogu imaju sredstva informisanja, odnosno mediji. Sredstva informisanja su glas kompletnog sporta, posebno kada je u pitanju propaganda zdravog življenja, tj. pozitivnog što sport donosi.

Zbog toga, jedna od aktivnosti Sportskog saveza, kada je u pitanju informisanje, treba da sadrži stalne kontakte sa medijima.

Broj korisnika interneta svakim je danom sve veći. Uticaj koji ima, zatim mogućnost plasiranja i dostupnosti informacija svrtstavaju ga u sami vrh osnovnih činilaca medijskog prostora. U Svijetu je danas ogroman uticaj interneta.

Kod nas, nažalost, još uvijek nedovoljno iskorišten.

Neki klubovi u Jablanici već koriste Internet kao medij u prezentaciji svojih aktivnosti, što je svakako za pohvalu, jer ovakav način publikovanja pruža neograničene mogućnosti.

REKREACIJA – „SPORT ZA SVE“

Sportska rekreacija kao sastavni dio fizičke kulture predstavlja specifično područje. Ona bi trebala da okuplja najširi sloj građana, bez obzira na spol, starost ili nivo psihičkih sposobnosti. Cilj rekreacije je da pored podizanja nivoa psihofizičkog statusa otklanja negativne posljedice savremenog rada i života, a to su potreba za kretanjem, otklanjanjem negativnih efekata u radu, emocionalno opuštanje, očuvanje zdravlja i duhovne vitalnosti svakog učesnika.

Kada je Jablanica u pitanju, ne možemo da damo prolaznu ocjenu. Bez obzira što posjedujemo prirodne uslove koji zadovoljavaju u velikom dijelu potrebu za realizacijom programa, kao što su Čvrstica, Plasa, Prenj, Jablaničko jezero, Neretva, brojna izletišta, otvorene površine i sl.

Cjelokupna rekreativna aktivnost svodi se na rad nekoliko sportskih organizacija – planinara, zatim privatni fitness centri, teretane kao i grupe rekreativaca koji hodaju, trče bave se sportskim igrama i sl.

Koliki je broj aktivista koji upražnjavaju sadržaj rekreacije nije nam poznata. Učesnici u takvim aktivnostima rade «na sopstvenu odgovornost», a često i bez liječničkih pregleda i

nadzora. Efekti progama rekreacije koja je stručno vođena i organizovana je višestruko korisna za sve njene korisnike.

SWOT ANALIZA – Sport u Jablanici

SNAGE

- Veliki broj sportskih kolektiva
- Veliki broj talentirane djece kao potencijal
- Sportska tradicija
- Veliki broj vrhunskih sportista koji su potekli iz Jablanice
- Interes roditelja za uključivanjem
- Budžet SS-a
- Entuzijazam lokalnih sportskih radnika i rad na njihovom usavršavanju
- Uspješnost sportskih kolektiva
- Interes Općine
- Budžet Općine
- Stipendiranje sportista
- Plansko uređivanje i izgradnja sportskih objekata

SLABOSTI

- Neadekvatna infrastruktura
- Nedostatan trenerski kadar
- Neadekvatna zdravstvena zaštita
- Nedovoljna zastupljenost djece iz ruralnih područja
- “centralizacija” sportskih aktivnosti
- Uduplavanje sportskih kolektiva
- Odlazak djece u veće centre
- Nemogućnost angažmana profesionalnog osoblja
- Nedovoljne menadžerske vještine u vođenju kolektiva
- Finansiranje iz jednog izvora

MOGUĆNOSTI

- Klima
- Prirodni resursi
- Sponzoriranje
- Finansiranje putem projekata
- Porezne olakšice privrednicima

RIZICI

- Biznis sektor nije zainteresovan
- Mali broj stanovnika
- Smanjenje općinskog budžeta

IV CILJEVI I ZADACI PROGRAMA (OKVIRNOG DOKUMENTA) RAZVOJA SPORTA U OPĆINI JABLANICA

VIZIJA

Jablanica i njeni sportski kolektivi pružaju sportašima i njihovim pratiocima najbolje uslove za uživanje i aktivno bavljenje sportom nastavljajući “zelenu“ tradiciju proizvedeći vrhunske sportiste i bilježeći vrijedne rezultate.

STRATEŠKA NAČELA

Polazeći od činjenice da je strateški razvoj i unapređenje sistema sporta i sa njim povezanih aktivnosti složen i dugoročan proces, ovaj dokument kao osnovu za unapređenje sporta usvaja sljedeća načela, i to:

- Sportom se razvija i jača demokratska praksa, tolerancija i promoviše jednakost svih građana;
- Učešće djece i omladine u sportskim aktivnostima preduslov je njihovog fizičkog i mentalnog zdravlja;
- Polne, vjerske, nacionalne, rasne kao i razlike koje među ljudima postoje po osnovu invalidnosti, zajedno sa svim ostalim različitostima pojedinca, ne smiju biti prepreka za bavljenje sportom;
- Sport podstiče i razvija sve oblike slobode;
- Svi učesnici sportskih aktivnosti imaju pravo na odgovarajuću zdravstvenu zaštitu;
- Saradnja između sportskih organizacija na nivou općine, a i na drugim nivoima je neophodna za razvoj sporta;
- Finansiranje sporta mora biti sistematski sprovedeno, dostupno, pravno utemeljeno, transparentno, ekonomski racionalno i društveno opravdano.
- svi sporovi između sportista, sportskih organizacija i organa rješavaju isključivo preko i unutar odgovarajućih sportskih organa i arbitražnih sportskih tijela,
- sportske organizacije imaju autonomiju u pogledu uređivanja unutrašnjih odnosa i udruživanja.

STRATEŠKI CILJEVI

1. Uključivanje što većeg broja sudionika u sportske aktivnosti
2. Izgraditi sportsku infrastrukturu da zadovolji sve potrebe sportskih kolektiva u Jablanici
3. Podići kvalitet i profesionalnost sportskog rada u Jablanici
4. Povećati kvalitet sportskih manifestacije značajnih za Jablanicu

1. Uključivanje što većeg broja sudionika u sportske aktivnosti

Povećanje broja sudionika u sportske aktivnosti planiramo ostvariti kroz saradnju sportskih klubova i Saveza s obrazovnim institucijama i ostalim segmentima društva, stvarajući sportske programe za sve a u cilju stvaranja dodatne sportske ponude. Pooboljšanjem sportske ponude i kvalitetnom promocijom ćemo zainteresovati građane da se masovnije uključe u sport.

Masovnost će pokrenuti interese za uključivanje biznis sektora, medija, gledalaca za sportska dešavanja. Masovnost stvara pretpostavke za povećanje održivosti sportskih kolektiva.

2. Izgraditi sportsku infrastrukturu da zadovolji sve potrebe sportskih kolektiva u Jablanici

Sportska infrastruktura obuhvata terene, objekte, poligone koji su potrebni klubovima u Jablanici. Njena izgradnja mora zadovoljavati propisane uslove i standarde. Također ovim ciljom su obuhvaćene i potrebe mjesnih zajednica općine za sportskim terenima kao i potrebe javnih ustanova.

3. Podići kvalitet i profesionalnost sportskog rada u Jablanici

Postizanjem ovoga cilja korisnik od sportskih kolektiva mora dobiti najkvalitetniju moguću uslugu. Kvalitet sportskog rada mora biti mjereno i ocjenjivano a rezultat će biti njegov najbolji indikator.

Profesionalnost se ogleda u odnosu prema materijalnim sredstvima, upravljanju kolektivom, odnosima s javnošću, namicanju sredstava, međuljudskim odnosima, prezentovanju općine i države.

4. Povećati kvalitet sportskih takmičenja i manifestacije

Kvalitetom i promocijom sportske manifestacije i takmičenja izdići iznad lokalnog nivoa. Održati kontinuitet postojećih i uvoditi nove sadržajnije, masovnije i atraktivnije manifestacije i takmičenja.

CILJEVI PROGRAMSKIH OBLASTI

INFRASTRUKTURA

Ciljevi vezani za infrastrukturu odnose se na dovršenje započetih sportskih objekata i izgradnju novih te korištenje postojećih.

Ciljevi su:

- Dovršiti započete sportske objekte i rekonstrukciju postojećih
- Kvaliteno uređeno korištenje sportskih objekata
- Riješeno upravljanje nad sportskom dvoranom i drugim objektima
- Trajno riješeno finansiranje sportskih objekata
- Obezbjediti sportskom savezu kancelarijske prostore i opremu za normalan rad

Rezultati aktivnosti su:

- Sportski tereni dostupni svim klubovima
- Zadovoljavaju predviđene norme
- Sportski tereni dostupni rekreativcima
- Izraditi godišnji plan korištenja infrastrukture
- Sportski savez kvalitetno obavlja svoje zadatke
- Infrastruktura obezbjeđena za sve potrebe sporta

SPORT OSOBA SA INVALIDITETOM

Ciljevi i rezultati koje je neophodno dostići za ovu programsku oblast vezani su za omogućavanje invalidnim osobama aktivno i neometano učešće u sportu.

Ciljevi su:

- Obezbjediti nesmetano učešće u sportskim aktivnostima osoba sa invaliditetom
- Provoditi kontinuirano istraživanja potreba osoba sa invaliditetom
- Podstaći sportske klubove da uključe osobe sa invaliditetom
- Obezbjediti finansiranje sportskih klubova koji uključuju osobe sa invaliditetom

Rezultati aktivnosti su:

- Izgrađene invalidske rampe na svim sportskim terenima

- Provedene godišnje ankete o potrebama osoba sa invaliditetom
- Povećan broj osoba koji se bave sportom i uživaju u sportu
- Obezbeđena sredstva za sportske klubove

SPORT U MJESNIM ZAJEDNICAMA

Ciljevi vezani za ovu programsku oblast vezani su za decentralizaciju sporta i omogućavanje jednakih mogućnosti učešća svih zainteresovanih za sport.

Cilj je:

- Popularizacija sporta u ruralnim dijelovima Jablanice

Rezultati aktivnosti su:

- Povećan broj manifestacija u MZ-ima
- Povećan broj djece i mladih u sportskim klubovima

STRUČNI KADROVI

Ciljevi i rezultati u ovoj programskoj oblasti dotiču se provedbe Zakona o sportu BiH i usklađivanja rada klubova sa navedenim zakonom.

Ciljevi su:

- Sportski klubovi imaju licencirane kadrove
- Sportski klubovi imaju obučeni menadžerski kadar
- Uvođenje sportskih zanimanja u deficitarna zanimanja

Rezultati aktivnosti su:

- Obučeni domaći sportski radnici

SPORTSKA TAKMIČENJA I MANIFESTACIJE

Ciljevi i rezultati u ovoj programskoj oblasti tretiraju povećanje kvaliteta sportskih priredbi i manifestacija.

Ciljevi su:

- Obezbeđeno učešće sportskih klubova na takmičenjima

-Organizacija kvalitetnih sportskih takmičenja i manifestacija

Rezultati su:

- Sportski klubovi imaju uplaćene kotizacije
- Sportski klubovi imaju pokriveno putne troškove
- Sportski klubovi imaju pokriveno troškove ishrane
- Sportski klubovi imaju plaćene neophodne ostale troškove za učešće na takmičinjima
- Poboljšana kvaliteta takmičenja i manifestacija

FINANSIRANJE SPORTA

Ciljevi i rezultati u ovoj oblasti obuhvataju segment finansiranja i načina namicanja sredstava.

Ciljevi su:

- Sportski klubovi imaju raznovrsne i kontinuirane izvore finansiranja
- Sportski klubovi će unaprijediti poslovanje (forme i procedure)

Rezultati su:

- Sportski klubovi imaju obezbjeđena sredstva za rad,
- Članarine, donacije, prihodovne djelatnosti, sponzorstva
- Sportski klubovi transparentno posluju

SPORT I INFORMISANJE

Ciljevi i rezultati ove oblasti dotiču segment promocije u sportu.

Ciljevi su:

- Pokrenuti inicijativu izrade monografije sporta u Jablanici
- Promocija sportskih događaja na višim nivoima
- Izraditi kalendar sportskih manifestacija
- Izgrađen web portal SS-a
- Izraditi sporazum o kontinuiranom informisanju o sportskim događajima klubova sa RTV Jablanica

Rezultati su:

- Povećan broj informisanih građana

SPORT ZA SVE

Ciljevi u ovoj oblasti dotiču segment sporta koji građanima treba da bude najdostupniji.

Ciljevi su:

- Omasovljavanje učešća građana u sportskim aktivnostima(sportovi na vodi, planinaranje, biciklizam, zimski sportovi)

Rezultati su:

- Povećan broj učesnika
- Povećan broj manifestacija
- Poboľjšano zdravlje građana

ZDRAVSTVENA ZAŠTITA SPORTISTA I INTERSEKTORSKA SARADNJA

Ciljevi i rezultati u ovoj oblasti obuhvataju segment zdravstvene zaštite sportista

Ciljevi su:

- Sporazumno riješena zdravstvena zaštita sportista
- Formirano intersektorsko tijelo za pitanja sporta (lokalna uprava, javne ustanove, sportski kolektivi)

Rezultati su:

- Svi sportisti imaju obezbjeđenu zdravstvenu zaštitu
- Potpisani međusektorski sporazumi o saradnji između javnih ustanova i SK-a

PROVEDBA

Operativni plan za provedbu Programa će se sačiniti po usvajanju ovog dokumenta. (njadalje 30 dana od njegovog usvajanja)

Ovaj plan utvrđuje: vremenski okvir u kojem bi se aktivnosti trebale odvijati, kao i prioritete po kojima bi se aktivnosti trebale provoditi.

Provedba Programa bi se trebala odvijati tokom četverogodišnjeg perioda. Program treba provesti u skladu sa kratkoročnim (0–12 mjeseci), srednjoročnim (12–24 mjeseci) ili dugoročnim (24–36 i 36-48 mjeseci) vremenskim rokom.

Plan provedbe rangira svaku aktivnost u skladu sa njenom prioritetnošću.

Očekuje se da će ovako uspostavljeni prioriteti biti od koristi Vijeću za implementaciju u provedbi Programa prilikom utvrđivanja oblasti u kojima će za realizaciju aktivnosti vjerovatno biti potrebno iznaći dodatnu donatorsku pomoć.

Plan provedbe također identificira koja institucija će biti odgovorna za provedbu svake od aktivnosti. Ovo naglašava ko je odgovoran nad provedbom, kao i imena svih subjekata koji će biti uključeni u realizaciju postavljenih zadataka.

Vijeće za implementaciju ujedno predstavlja operativno-savjetodavno tijelo Općinskom načelniku i Općinskom vijeću pri provedbi svih operativnih aktivnosti vezanih za sport.

Tijela za provedbu:

- (1) Vijeće za implementaciju ima ukupno 5 članova koje imenuje Općinsko vijeće Jablanice i to: Ozren Islamović, Haris Halilhodžić, Edin Idrizović, Nihad Širić i Emil Balavac
- (2) Vijeće se imenuje na period od četiri godine
- (3) Za svoj rad Vijeće je odgovorno Općinskom vijeću Jablanice, kojem najmanje dva puta godišnje podnosi izvještaj o svom radu.
- (4) Administrativne poslove za Vijeće za implementaciju obavlja Sportski savez
- (5) Vijeće za implementaciju donosi poslovnik o svom radu, na koji saglasnost daje Općinsko vijeće Jablanice

Plan implementacije 2014 – 2018.							
Programska oblast	Ciljevi/mjere	Rezultati	Orijentacijski period zavšetka realizacije				
			2014.	2015.	2016	2017	2018
Sportska infrastruktura	-dovršiti započete sportske objekte i rekonstrukciju postojećih -Kvalitetno uređeno korištenje sportskih objekata -Riješeno upravljanje nad sporskom dvoranom i drugim objektima -Trajno riješeno finansiranje sportskih objekata -Obezbjediti sportskom savezu kancelarijske prostore i opremu za normalan rad	Sportski tereni dostupni svim klubovima	x				
		Zadovoljavaju predviđene norme					x
		Sportski tereni dostupni rekreativcima		x			
		Infrastruktura obezbjeđena za sve potrebe sporta				x	
		SS kvalitetno obavlja svoje zadatke	x				
		Izraditi godišnji plan korištenja infrastrukture	x				
Sport za osobe sa invaliditetom	Obezbjediti nesmetano učešće u sportskim aktivnostima osobama sa invaliditetom	Izgraditi invalidske rampe na svim sportskim terenima			x		
	Provoditi kontinuirano istraživanja potreba osoba sa invaliditetom	Provesti godišnje ankete o potrebama osoba sa invaliditetom	x	x	x	x	x
	Podstaći sportske klubove da uključe osobe sa invaliditetom	Povećan broj osoba koji se bave sportom i uživaju u sportu		x			
	Obezbjediti finansiranje sportskih klubova koji uključuju osobe sa invaliditetom	Obezbjeđena sredstva za sportske klubove	x				

Sportska takmičenja i manifestacije	-obezbjeđeno učešće sportskih klubova na takmičenjima -organizovana kvalitetna sportska takmičenja i manifestacije	SK imaju uplaćene kotizacije			x		
		SK imaju pokriveno putne toškove			x		
		SK imaju pokriveno troškove ishrane			x		
		SK imaju plaćene neophodne ostale troškove za učešće na takmičenjima			x		
		Poboljšana kvaliteta takmičenja i manifestacija					
Stručni kadrovi	SK imaju licencirane kadrove	Obučeni domaći sportski radnici	x				
	SK imaju obučeni menadžerski kadar	Obučeni domaći sportski radnici			x		
	Uvođenje sportskih zanimanja u deficitarna zanimanja	Obučeni domaći sportski radnici	x				
Sport u MZ	Popularizacija sporta u ruralnim dijelovima Jablanice	Povećan broj djece i mladih u SK		x			
		Povećan broj manifestacija u MZ-ima			x		
Finansiranje sporta	Sportski klubovi imaju raznovrsne i kontinuirane izvore finansiranja SK će unaprijediti poslovanje (forme i procedure)	SK imaju obezbjeđena sredstva za rad, Članarine, donacije, prihodovne djelatnosti, sponzorstva SK transparentno posluju		x			
Sport i informisanje	izraditi kalendar sportskih manifestacija	Povećan broj informisanih građana	x				
	Izgrađen web portal SS-a	Povećan broj informisanih građana	x				
	Izraditi sporazum o kontinuiranom informisanju sportskih događaja i klubova sa RTV Jablanica	Povećan broj informisanih građana	x				
	Promocija sportskih događaja na višim nivoima	Povećan broj informisanih građana			x		
	Pokrenuti inicijativu izrade monografije sporta u Jablanici	Povećan broj informisanih građana	x				

Sport za sve	Omasovljavanje učešća građana u sportskim aktivnostima(sportovi na vodi, planinaranje, biciklizam, zimski sportovi)	Povećan broj učesnika Povećan broj manifestacija Poboljšano zdravlje građana	x				
Zdravstvena zaštita	Sporazumno riješena zdravstvena zaštita sportista	Svi sportisti imaju obezbjeđenu zdravstvenu zaštitu		x			
Intersektorska saradnja	Formirano intersektorsko tijelo za pitanja sporta (lokalna uprava, javne ustanove, sportski kolektivi)	Potpisani međusektorski sporazumi o saradnji između javnih ustanova i SK-a	x				

SS - sportski savez

SK - sportski klub

Bosna i Hercegovina
Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE

Broj: 02-02-1030-3/14 -XIX
Jablanica, 29.05.2014.godine

PREDSJEDAVAJUĆI OV-a

Damir Šabanović, dipl.ecc.,s.r.